



BVK Crvena Zvezda – ZF Eger 13:6 (5:2) (4:1) (2:3) (2:0)

Bazen: Tašmajdan; Gledatelja: 500; Suci: Caputi (ITA), Buch (ESP)

Igrač više: C.Zvezda 13/9, **Eger** 11/3; **Peterci:** Eger 3/2

Crvena Zvezda: Šefik (12), S.Rašović 1, Rađen 2, Ivošević, Stojčić 1, Pijetlović 2, Avramović 1, V.Rašović 2, Ranđelović 3, Vapenski, Prlainović 1, Eškert, Draksimović

Trener: Savić

Eger: Szeci (3), Gerritse, Batori 1, Graham 2(1), Salamon, Kovacs (1), Mezei 1, Varga, Seman, Gor Nagy 1, Biroš, Bunduschuh, Bisztrisanyi (2)

Trener: Gerendas

Nakon poraza od Juga (očekivanog i rezultatski manje bitnog), te od Partizana (bitnijeg po ovdašnje prvenstvo), trener Savić je priznao da je njegov tim u maloj krizi. Iako je posle dugo vremena mogao računati na kompletnu i potpuno zdravu ekipu, činilo se da će protiv Egera, vjerovatno i najjačeg trećeplasiranog tima grupne faze takmičenja Lige šampiona, dosta teže bit izborit povoljan rezultat pred revanš. Sigurno ni najveći optimisti nisu mogli očekivat pobjedu sa ovolikom razlikom protiv iskusnog i uigranog mađarskoga tima. No, ako je iskustvo bilo na strani gostiju, **domaći su uspjeli nametnuti igru brzoga tempa koju protivnik očito nije mogao kvalitetno ispratiti**. Beograđani su odlično koristili igrača više, pri čemu su se isticali igrači koje se do sada nije često viđalo u ulozi realizatora. **Šefik je**

nakon jednoga kiksa, vratio samopouzdanje

obranivši peterac Birošu, i od toga trenutka postao nepremostiva prepreka napadačima Egera

Početak utakmice protekao je u igri gol za gol, Zvezda je povelala iz kontre koju je po desnoj strani isplivao Rađen i lob dijagonalom savladao Szecija, 1:0. Nakon toga Eger ima igrača više,

najprije opucava Graham ali ga zaustavlja blok, da bi u nastavku akcije Batori sa lijevog vanjskog poravnao na 1:1. Gerritse pravi izbačaj na Pijetloviću koji pokušava sa stative, no ne dohvata dobro loptu i šutira preko gola. Na drugoj strani Graham sa desnog vanjskog također neprecizan, Mezei u plivanju pravi izbačaj a S. Rašović sa lijevog krila donosi novu prednost domaćima sredinom prve četvrtine, 2:1. Eger potom ne koristi igrača više (Ivošević na Mezeiu) šutem Batorija koji Šefik odbija u korner, slijede kontrafauli na obje strane, a Gor Nagy poravnava sa desnog vanjskog pored uspavanog Šefika, 2:2. Dvije minute prije kraja četvrtine Zvezda ponovo stiže do vodstva, sa igračem više, Rađen sa srednjeg vanjskog, 3:2. Potom Rađen pravi izbačaj na Salamonu, a **zatim slijedi i peterac koji Pijetlović pravi na Mezeiu, no Birosev udarac brani Šefik**. Do kraja četvrtine domaći sa 2 gola (sa igračem više) Randelovića, sa stative, oba na asistencije Prlainovića odlaze na +3, uz još jedan pokušaj Birosa iz vana kojega brani Šefik.

U nastavku **Eger i dalje u problemu kod igrača više**, Mezeiu ispada lopta, dok je Zvezda veoma sigurna u tom segmentu, opet preko Randelovića sa stative, 6:2. Salamon pokušava iz vana, ali ga blokom zaustavlja V.Rašović, potom Ivošević dobija izbačaj na Batoriju, ali Šefik i dalje siguran kod šuta Salamona. Na drugoj strani najzad nešto brani i Szeci (udarac V.Rašovića), ali gosti ne uspijevaju još jednom sa igračem više, pošto Zvezdin golman brani šut Gor Nagyja. Potom Batori pravi izbačaj na drugom sidrunu domaćih, Stojčiću, koji i realizira sa stative za 7:2. Nakon nekoliko neuspješnih napada na obje strane, Pijetlović skrivlja još jedan peterac (na Semanu) iz kojeg Graham smanjuje na 7:3, minutu i pol prije kraja 2. četvrtine. No onda slijede još 2 gola domaćih sa igračem više (Pijetlović sa stative i V.Rašović sa desnog vanjskog) te **Zvezda na polovici utakmice ima +6, 9:3**.

Na samome startu 3. četvrtine Prlainović iz faula zabija za 10:3, a **Gerendas mijenja indisponiranoga Szecija**

Igrača više koristi najzad Eger i preko Mezeija smanjuje na 10:4. Slijedi period igre bez golova, domaći zadovoljni rezultatom nastoje smiriti igru i trošiti što više vremena, a gosti bez pravih akcija, šutevima iz vana ne uspijevaju savladati Šefika. Zvezda iz polukontre u kojoj Prlainović asistira slobodnome Avramoviću odlazi ponovo na +7, 11:4.

Eger smanjuje iz trećega dosuđenog peterca

, preko Kovacs, 11:5, potom domaći ne koriste igrača više uz time out (Prlainović greši u dodavanju). Gosti na kraju 3. četvrtine imaju još jednoga igrača više, Gor Nagy šutira, Šefik odbija loptu u korner na 2 sekunde do kraja, ali uz kasno puštanje vremena, Graham sa desnog vanjskog postiže gol za 11:6.

Zadnja četvrtina pokazuje da Eger ipak nema snage ozbiljnije popraviti rezultat. Varga kod igrača više, sa stative pogađa prečku. Vapenski nakon nekoliko cimanja asistira potpuno puštenom Pijetloviću za 12:6. Dodavanja gostiju na 2 metra su i dalje loša pa domaći uspijevaju

i bez izbačaja obraniti ove napade. Na drugoj strani, Varga pravi izbačaj na Pijetloviću, čiji šut sa stative potom Bisztricsanyi odbija u korner, da bi **V. Rašović ipak zabio sa desnog vanjskog za, ispostaviće se, konačnih 13:6, na 5 minuta prije kraja utakmice**

. Do kraja Eger ne uspijeva iskoristiti 2 puta igrača više, Zvezda jednoga. Očito je da mađarski tim nije imao snage pružiti ozbiljniju igru, dok su Beograđani uglavnom nastojali utrošiti što više vremena i privesti mirno utakmicu kraju.

Zvezda je pobjedom sa 7 razlike napravila veliki korak ka ¼ finala Eurolige. Iako se radi o iskusnoj ekipi, koja posebno dobro može odigrati na domaćem bazenu, čudo je potrebno Egeru da bi prošao dalje. Kod njegovih igrača, posebice Biroša, vidljiv je bio nedostatak snage za bržu igru kakvu je Zvezda nametnula posebice u prve dve četvrtine. Beograđane može ohrabriti što pored iskusnih igrača, mlađi igraju sve značajniju ulogu u ovome timu. Braću Rašović sam u nekim izvještajima već pominjao, a **ovaj put je i Randelović iskočio sa 3 postignuta gola. Še fik je branio skoro kao u najboljim danima**

, Prlainović bez mnogo opucavanja ali sa 3 ili 4 asistencije kod golova. Ostali su ih također odlično ispratili. Kod gostiju teško bi se nekoga moglo izdvojiti, obrana je naročito bila loša, Mezei i Seman bili su skoro potpuno odsečeni, i odigrali su koliko su mogli, spoljnja linija uglavnom slaba.